

IT-supporteri Akileraartarnermut Aqutsisoqarfimmi

IT-supporteri Kalaallit Nunaanni Akileraartarnermut Aqutsisoqarfimmi

IT-supportimik sulinissaq soqutigaaq, suliniaqatigiiffimmi attuumassuteqarfigisai amerlasuut aamma inuiaqatigiinnut akisussaaffik annertoq? Taava maanna periarfissaqarputit Kalaallit Nunaanni Akileraartarnermut Aqutsisoqarfimmi IT-supporterit (1st line) sulilernissamut, Nuummi qullersaqarfimmi aallaaveqarlutit. Akileraartarnermut Aqutsisoqarfimmi sulisutut ingerlatsinermut, sullissinermut supportimullu tunngasunik suliassanik pissanganartunik assigiinngitsorpasuarunik isumaginnittussaavutit. Suliassatit tassaassapput suleqatinnut assigiinngitsunik qaffasissuseqartunut tapersersuineq, ilaatigut oqarasuaatikkut supporti, inuttut ilitersuineq, “hands on”-imik suliat kiisalu pilersuisunik isumaginninneq. Allattoqarfimmi inissisimassaatit, allattoqarfimmi pisortaq qaninnertut pisortaralugu, digitalisering aamma data-mut immikkoortortaarfik qanimut suleqatigissallugu. Suliffeqarfimmi ilinniartitaanikkut inuttullu ineriartornissamut periarfissat pitsaasuupput, aammalu ingerlaavartumik suliatigut unammilligassanik pissarsisassaatit. Akileraartarnermut Aqutsisoqarfik suleqatigiiffiuvoq unamminartoqartartoq, attaveqarfigisai amerlallutik. Taamaattumik programm-it arlalippasuit assigiinngitsorpasuarunik ataqtigiipput. Pingaaruteqarpoq suliassat assigiinngitsut ataatsikkut ingerlatissinnaassagitit, suliassatit pingaarnersiorlugit aaqqissuussinnaagitit aammalu suliassatit pillugit tamakkiisumik takunnissinnaassuseqarlutit. Misillitakkatit ilinniakkakkullu tunuliaqutavit pingaaruteqangaarnatik, pingaarnerpaavorli IT-systeminik paasinninnissamut kajumissuseqarlutillu piginnaasaqarnissat.

Atorfik pillugu

- Suliffiusussat piareersarnissaat, aaqqissuunnissaat ikkussuunneqarnissaallu
- Hardware-imik, attaveqaatinik kiisalu AV-mi atortorissaarutit aaqitassanik ujartuinerit
- Atuisunik systeminut nutaanut ilinniartitsineq
- Atortorissaarutit itinerusunik tunngasunik suliassanik isumaginninneq, ilaatigut pilersuisunik isumaginninneq aamma systeminut akuersissutinik nutarterineq
- Ilisimasanik avitseqatigiinneq suleqatillu allat peqatigalugit ataqtigiissaarineq
- Suliassanut assigiinngitsunut piareersimanissaq
- Immikkoortortaqrifiit allat sullissivigalugit ilinniartitsivigalugillu angalanissaq pisariaqarsinnaavoq

Inuttut piginnaasat

Pingaaruteqarpoq sullissinermik pingaartitsisuunissat, suliassat tigussaasut nuannarisinnaagitit aammalu tunniusimallutit atuisunullu pinasuartumik atortorissaarutitigut tunniussinissamut kajumissuseqarnissat. Suliassatit nammineq aallartitsiffiginnaassavatit akisussaaffigalugillu, aammalu aaqqiissutissanut sammititamik suleriaaseqassaatit. Aaqqissuussaasumik namminerisamik sulisinnaassaatit, ulluinnarnilu sulinerpit pilersaarusiorneranut, malitseqartitsinermut uppernarsaatinillu suliaqarnermut piginnaasaqassaatit. Suleqatigiinnut sammititaasumik sulisinnaassaatit, aammalu immikkoortortat akimorlugit suleqatigiilluarsinnaassallutit. Sulianut pimoorussisuussaatit aammalu ineriartornissamut kajumissuseqarlutit. Piumassuseqarlutillu piginnaasaqassaatit, pisariaqartissavat atortorissaarutitut assigiinngitsunut nutaanut kajumissuseqarnissat.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut

Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput. Qinnuteqartoq uppersaataitalinnik piginnaasalik immikkut siunnersortitut, siunnersortit pisortaatusiunnersortaanertulluunniit isumaqatigiissutit naapertorlugit atorfinitsinneqarsinnaasarpog.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.

Qinnuteqaatit, CV, ilinniarsimasanut pikkorissaatigisimasanullu uppersaatait kiisalu paasissutissat allat pisariaqarsinnaasut "qinnuteqaat nassiuguk" toorlugu nassiutikkat. *E-mail-ikkut qinnuteqaatinik tigusineq ajorpugut.*